

卷十九

禮運大同篇 孔子

國父遺訓 民族主義五講

國父遺訓 民族主義六講

蔣總裁訓詞

笄橋劉氏總譜序列

魏紫虛元君家訓

始遷祖進公墳山釋約


進公墓表及各房新建墓表

各房新增傳贊節畧

嶽後井塘劉氏六修宗譜

九二對





禮運大同篇——孔子——

大道之行也天下爲公選賢與能講信修睦故人
不獨親其親不獨子其子使老有所終壯有所用幼有
所長矜寡孤獨廢疾者皆有所養男有分女有歸貨惡
其棄於地也不必藏於己力惡其不出於身也不必爲
己是謀閉而不興盜竊亂賊而不作故外戶而不閉是
謂大同

國父遺訓(一)

節錄民族主義第五講

中國國民和國家結構的關係先有家族再推到宗

族再然後才是國族這種組織一級一級的放大有條不紊大小結構的關係當中是很實在的如果用宗族爲單位改良當中的組織再聯合成國族比較外國用個人做單位當然容易聯合得多若是用個人做單位在一國之中至少有幾萬個單位像中國便有四萬萬個單位要想把這樣多數的單位都聯絡起來自然是很難的如果用宗族做單位中國的姓普通都說是百家姓不過經過年代太久每姓中的祖宗或者有不同由此所成的宗族或者不祇一百族但是最多不過四百族各族中總有連帶的關係譬如各姓修家譜常由

祖宗幾十代推到從前幾百代追求到幾千年以前先
祖的姓氏多半是由於別姓改成的考求最古的姓是
很少的像這樣宗族中窮源極流的舊習慣在中國有
了幾千年牢不可破在外國人看起來或者沒有用處
但是敬宗收族的觀念入了中國人的腦有了幾千年
……若說到滅族他就怕祖宗血食斷絕不由得不拼
命奮鬥……若是給他知了外國目前種種壓迫民族
不久即要亡民族亡了家族便無從存在那麼一方可
以化各宗族之爭而爲對外族之爭……二來他沒滅
族結合容易而且堅固可以成就極有力量的國族用

宗族的小基礎來做擴充國族的工夫譬如中國現有四百族好像對於四百人做工夫一樣在每一姓中用其原來宗族的組織拿同宗的名義先從一鄉一縣聯絡起再擴充到一省一國各姓便可以成一個很大的團體……到了各姓有很大的團體之後再由有關係的各姓互相聯合起來成許多極大的團體更令各姓的團體……都結合起來便成一個極大中華民國的國族團體有了國族團體還怕甚麼外患還怕不能興邦麼

國父遺訓(二)

節錄民族主義第六講

講到中國固有的道德中國人至今不能忘記的首
是忠孝次是仁愛其次是信義其次是和平……我們
做一件事總要始終不渝做到成功如果做不成功就
是把性命去犧牲亦所不惜這便是忠……要忠於國
要忠於民要爲四萬萬人去効忠……講到孝字我們
中國尤爲特長尤其比各國進步得多孝經所講孝字
幾乎無所不包無所不至現在世界最文明的國家講
到孝字都沒有中國講到這麼完全所以孝字更是不
能不要的……仁愛也是中國的好道德古時最講愛

字的莫過於墨子墨子所講的兼愛與耶蘇所講的博愛是一樣的古時在政治方面所講愛的道理有所謂愛民如子有所謂仁民愛物對於甚麼事都是用愛字去包括……把仁愛恢復起來再去發揚光大……講到信義中國古時對於鄰國和對於朋友都是講信的依我看來就信字一方面的道德中國人實在比外國人好得多在甚麼地方可以看得出來呢在商業的交易上便可以看得出中民人交易沒有甚麼契約祇要彼此口中說一句話便有很大的信用……至於講到義字中國在很強盛的時代也沒有完全去滅人國

家比方從前的高麗名義上是中國的藩屬實在是一個獨立國家就是在二十年以前高麗還是獨立中國強了幾千年而高麗猶在日本強了不過二十年便把高麗滅了……中國更有一種極好的道德是愛和平……中國人幾千年酷愛和平都是出自天性論到個人便重謙讓論到政治便說不嗜殺人者能一之……這種特別的舊德便是我們民族的精神我們以後對於這種精神不但是要保存並且發要揚光大然後我們民族的地位才可以恢復

蔣總裁訓示



禮義廉恥
 國之四维
 既張
 國乃復興

蔣中正題



笄橋劉氏總譜序例

近世言譜學者必宗歐蘇我楚國公沅劉氏宗譜與歐蘇二氏譜同時並出宋史著其目內府藏其書明解春雨學士序夏璜譜尹洞山學士序後隆譜並稱引之今原書雖不可得見而萬歷後隆譜殆其蛻化體例精美實兼二氏之長而有之他如隆雲上城澧田幢溪馬首諸老譜皆出自名儒之手並爲世重康熙間三村一源譜摭其餘緒頗能標著各派本末近倡議湘贛合修族之人賁支譜來會近百蔚然鉅觀茲編集其大成命名總譜世系而外約分人物藝文祠墓丁口教育譜

牒及大事記雜誌諸類以次敘述執簡馭繁蓋亦上法
楚國公遺意也我族得姓受氏肇自陶唐姓纂言之詳
矣漢以後族姓蕃衍幾徧南朔楚國公及原父龍雲學
士俱自叙其先世爲楚元王歷代世典莫之或易我簞
橋始遷祖晉安成太守遐則楚元王十五世之孫也謹
依舊譜遠溯宗源爲圖以明之安土重遷久成國俗然
遭逢世變往往有不得已而去其故鄉者如唐末之黃
巢元末之紅巾明末之闖獻寇氛所及千里爲墟族先
輩挈家避地實以此時爲最夥而其所止又多在贛水
以西湘水以東其地類皆山水清奇物產豐阜足以長

養其子孫故自安成公開基筮橋迄今千六百有餘載
後嗣占籍各縣稱望族者凡百數十起謹就所知作衍
派圖諸無譜可稽以及分支分房不與焉一本繁枝于
以知祖澤流貽遠矣自安成公傳至十世大年延年迺
均離筮橋分徙延年之七世孫曰遜遜之曾孫曰承勛
承嵩承貴承賓承貺承美卽世所謂六承也分居三村
衍爲六大支其後復多遠徙而別爲宗歷世旣遠其緒
益繁後世子孫往往昧所自出如承賓原名承崇本禮
子後從伯父祥居中村始易名承賓爲祥撫子各派譜
載互有出入或僅標承崇之名而仍系於禮或以承崇

承賓爲兩人別增承賓一支爲祥後及檢幢溪老譜羣
疑乃釋其他類是者不勝枚舉茲編循流究委去惑存
真稍涉疑似卽屏弗錄謹將六承及洩公迺公位下世
系分別列表各詳遷祖之由來下逮五世而止其別字
官爵生娶沒葬悉沿舊譜列入另爲溯源圖冠諸表首
以便鉤稽至五代以下具詳支譜茲不備載我族自漢
晉以來人文蔚起以事業勛名忠孝節烈著者史不絕
書其他屬籍士林樹望鄉曲有一藝之長一善足錄者
尤難僂指數茲仿史例作人物表其目爲五曰顯達凡
秩官九品以上科舉庠生以上屬焉一曰民國文秩科員

以上武秩少尉以上。曰篤行。凡孝友慈善及他懿行屬焉。曰忠義。凡歷代殉國死事者屬焉。曰列女。凡婦女之有淑行才藝及節孝貞烈屬焉。曰耆壽。凡族中男女現年八十以上者屬焉。不著已故難備錄也。其有事實宜詳者具見列傳記。曰先祖無美而稱之是誣也。有善而不知不明也。知而不傳不仁也。粵稽漢代以還先芬祖烈足爲後世矜式者至夥。茲按時代編爲列傳。摭拾聞見惟慎。惟詳。其有寵命之錫。別邀異數。與夫碑誌傳記。撰自名家者。並載其全文。惟諛壽之詩文。不錄。以詞多溢美。懼涉于誣也。臨文不諱。古禮所尙。用沿史。

例一體稱名又士重晚節故生人不爲列傳並不入篤
行表自中壘爲列女傳闡揚女德而女子之繫於邦國
家庭之重始爲世所共喻魏夫人渡江而南大啓我後
代有賢媛克嗣徽音如墨莊夫人等皆不惜躬歷艱辛
持家教子用能不振宗緒至於貞孝節烈其志其事俱
足以立人極而敦末俗用劔其最者著於列傳藉備輶
軒之採魏夫人飛昇南嶽比秩仙公宏濟卓錫青原爲
禪宗七祖考其往跡散見羣書允宜廣事蒐求垂諸家
乘茲從舊譜及省縣志得吾宗仙釋若干人附列傳別
爲一帙中壘校書天祿有功國故曠代無倫一言一字

炳日星而壽河嶽他如荊州之周易公是之春秋貢父
之史漢通真子之醫理龍雲先生之文學三吾相國之
書傳皆爲古今學者所崇仰後世人才輩出抽思騁智
著作如林諸子百家之言考據詞章之學莫不各有鉅
製用弘先緒猗歟盛已茲仿史例作藝文志專記書目
繫以序文及後人校訂之辭不分門類以作者時代爲
次第有原書已佚或其言有關宗族典要者則採錄一
二附諸本傳之後笄橋爲我族發祥之地譜載遐公葬
寒水埧五更塘其地在笄橋之西偏邱陵綿亘十餘里
封識杳然惟笄橋興祚祠下之祖塋與安成太守祠至

今巋然尙存遭時多故被侵凌者屢矣永言保之豈異
人任作笄橋祠墓志冀後之人凜葛藟庇本根之義知
所護焉祠堂者先靈所宅家族制度精神所寄歲時薦
享少長咸集親親長長之道卽於是講焉時移世易此
風不渝論者謂我國地方自治之基卽奠夫此因勢而
利導之郵治可立致也族先輩所至奠宅必以經營祠
宇爲先務一派之中有總祠有分祠茲彙爲一表祠有
產士無田不祭也祠址所在卽子孫歌哭族聚之地也
並詳識之周代譜牒掌於專官中壘世本一書殆卽私
家作譜所自昉宋自楚國公撰劉氏家譜而後作者風

起世變愈殷而收族繕羣之事愈不可緩於是族之賢
達者莫不各有家譜或且定爲三十年而一修於明世
系辨昭穆而外一族之掌故及治亂興衰之由備焉魏
晉以來史志之修多取材於家譜且往往據以訂訛其
重要可知已茲將各派歷修譜牒臚列爲表其成書年
月並主修纂修及序文作者俱詳記表中以便稽考自
來作寢廟者必以永錫祚胤俾昌俾熾致其頌禱之詞
今之歐美各邦且厲行獎勵生育之政令我族千餘年
來一脈相承子姓之蕃見稱於世惟是散居各地有此
細而彼盈昔盛而今衰者茲調查各派現存之丁口及

較前增減之數作丁口表附以職業百分比俾明各派生活之情狀亦以戒游惰也學所以明人倫也國運隆替係焉楚國公之父築讀書臺以課子大保世之配寶藏書爲墨莊佳話流傳夔乎千載固知國家興學育才其有賴於家庭之協力至深且切也我族自漢晉以來以詩書世其家纓簪之盛孝友敦睦之風類能歷久而不替洎清季以至民國學制初更有識之士爭先恐後遣子弟入學或創辦族學假寢宮爲黌舍畫祠產爲學田莘莘後起賴其裁成蔚爲國用宜有以迪前人光矣茲將各派現設之族學及專門以上學堂畢業生各彙

爲一表引而伸之是所望於來者蘭誼小學夙爲湖湘
推重其規模與成績殆爲族立小學之冠附錄其緣起
於後以資取法綜觀各派舊譜五季以前之文獻大都
語焉不詳年代尤多矛盾末由考正茲爲大事年表起
宋代以逮民國以編年之體明各派遷徙之跡殊異之
事暨其遷祖與名人生卒年月務期綱舉目張聯爲一
貫與諸表傳互相發揮不嫌複也當同人設局修譜之
日而醴捐建置長沙總祠之議以起黽勉從事不敢告
勞各派認捐忻然恐後於敬宗收族之義或有取焉作
長沙建祠醴資表及本屆修譜職員一覽表並領譜號

數登記冊總稱之曰雜誌各譜舊序綜計不下數百篇
其中不少名作茲選錄什之一二以殿本譜通志譜系
類有總譜有家譜茲編則家譜之總譜也其例爲創其
事抑至繫至蹟稿經數易而舛漏仍弗能免顧我安成
公裔散布之區域遠暨于川陝甘新粵桂滇黔及華中
各省茲編所錄止於湘贛且亦不過其強半耳繼此以
往有能網羅遺佚以斯爲嚆矢而從事重修者乎企予
望之矣

中華民國二十六年十月遐公四十七世嗣孫約真原
名謙派名萬搏撰

魏紫虛元君家訓「卽一代祖遐公之母」

道生於安靜德生於卑退福生於清儉命生於和
暢患生於多慾過生於輕慢禍生於多貪罪生於不仁
戒眼莫視他物戒口莫談他短戒心莫恣貪曠戒身莫
隨惡伴無益之言莫妄說不干己事莫妄爲默默無
限神仙從此得饒饒饒千災萬禍一齊消忍忍忍債主
冤家從此盡休休休蓋世功名不自由忠君王孝父母
敬尊長奉有德別賢愚恕無識時未來兮勿望事已往
兮勿思物已來兮勿拒物旣去兮勿追聰明多暗昧鮮
算失便宜損人終自損倚勢禍相尋戒之在心守之在

志爲不節而亡家因不廉而失位勸君自守樂平生可
懼可驚而可畏上臨之以天鑒下察之以地祇明有刑
法相繫暗有鬼神相隨出處語默天地皆知志惟可守
心不可欺日中則昃月盈則虧天之道也樂極則悲勢
盛則衰人之常也狂風不終朝驟雨不終日天地尙如
此何況於人乎有福莫享盡享盡見貧窮有勢莫使盡
使盡冤相逢福宜常自惜勢宜常自恭人間勢與福有
始多無終性命猶如風燭當思身後之身軀壳暫寄塵
寰休造孽中之孽善惡皆存靈府昭然不昧毫釐慧業
如在日中行止何能逃影世有不明之事天無不報之

條人能巧於機謀天更巧於報應諸惡莫作眾善奉行
詩曰積書遺後要人讀積財未必常能足何不積善慶
有餘百世綿綿猶享福
立釋約耆保戚鄰李元山李上山易國相等情境内劉
善長帝良紹唐明德定策等於本月十九日經耆等稱
伊明清厝葬祖墳拾叁塚在朝字八區地名甯家灣山
内厝有掛掃無異因李明鑑之媳曾氏身故葬左岸隔
劉墳不遠致劉經論耆等登山踏明李媳隔劉墳丈餘
劉人墳塋雖有禁步未行立界彼此爭論耆等勸兩造
契好不忍二家爭構從中排釋勸李明鑑伯姪人人有

祖劉人禁步不可缺今憑耆等扞踏界限劉人墳塋俱
在禁步內界外無墳左憑李媳曾氏羅圍外右憑李人
祖母羅氏墳側流沙羅圍上爲界劉人墳後禁步三丈
因墳右岸有碍李祖母墳塋憑劉墳羅圍邊斜上界邊
前四丈前後左右均已挖坑窖石爲界劉墳後禁步界
內任劉禁長墳前門堂界內任劉砍伐界外任李禁長
砍伐李劉均不得越界劉墳門堂議李不得暗禁兩造
彼此平允自釋之後仍相和好今恐無憑立此釋約二
紙兩造遵押各執一紙收執爲據兩造遵押二紙一紙
給李一紙給光榜收另抄二紙給劉各房山批

周益宋

周紹棠

周上三

李元山

周勉旃

周國相

李銀光

周時萬

劉楚賢

劉益彩

憑者保戚鄰

以

上

俱

押



善長執釋約耆保二人

已蓋戳記又係李元山

筆抄

遵釋人

劉金山

劉紹唐

劉定策

劉善長

劉帝良

李明鑑

李步陞

劉明德

劉光榜

耆保戚鄰公立

以

上

俱

押



明遷衡始祖劉公日進老大人暨德配胡老孺人墓表

十五代嗣孫炳勳敬撰

公諱道暹字日進原籍江西吉安府永豐縣晉安成太守劉遐公三九世孫授總旗丁操官至校尉城公四世孫湘潭純塘萬芳公之仲嗣吾衡始遷祖也公生於明宣德八年癸丑十二月十六日卒於明正德八年癸酉十一月初八日德配胡孺人迺溟亮公長女生於明宣德十年乙卯八月十五日卒於明正德六年辛未二月二十日先後厝葬朝字八區地名甯家灣屋後大座人形祖山癸山丁向迄後子孫祔左祔右共爲長

排有如公葬然下排距葬三堆同向緬公忠厚開基聚族於斯者其來有自清遞民國蔚起人文蕃昌後嗣又十七代矣環嶽而居者軍政商學各界遠而百粵贛蘇近而三湘長醴不乏苗裔踪蹟似此星羅碁布方興未艾皆由公根本庇蔭有以致之也茲六修家乘率親率祖亟應權其後先緩急循序而進倘祖宗坵墓任其圯毀弗修不幾敬宗一道有蹈舍本求末之誚歟爰本斯義商同族人表決永遠封禁爲之重立碑碣以垂不朽云

清八代祖劉公瑑賢老大人墓表

嗣孫炳勳謹撰

嗚呼惟我 八世祖珺賢公改葬宗字十五區和尚塘
之二百餘年嗣孫炳勳始克表於其墓非敢緩也蓋有由
也勳生也晚後 公七代下百五十餘年不讀 公贊
無以悉其梗概 公乃無詐無虞正人君子也孝友性
成明哲樂天故其遺直有口皆碑 公以清康熙五
十七年十二月二日卒迄今二百一十有六年爲之裔
者羣策羣力毅然建墓督勳表於斯阡藉非 公之德
澤深遠後嗣蕃昌其奚以思報妥 靈數典無忘若是
乎勳故樂述之以詔示來茲此山關係重要當墓告成
公議永遠封禁嗣後無論何人不准進葬如違公同勒

令遷出重責重罰決不姑寬

清八代祖妣劉母易老孺人附孫〔天錫公媳汪氏〕墓表

嗣孫炳勳謹撰

八代祖妣易孺人以清康熙五十年六月二十一日棄養修經二百又九年當初葬時建墓闕如故無表以紀淑德懿範茲因六修宗譜隱德宜宣追念孺人孝敬慈愛懼終晦湮謹就傳聞以紀之卽孺人長子之子天錫公清乾隆四十七年四月二十七日卒配汪孺人清乾隆二十二年七月四日卒先後祔右皆承先啓後祖也旣已遲之又久不忍數典而忘合當集資共建

一墓以妥 先靈此兩房裔孫及錫公裔孫之所日夜
疚心而不能已者用特叙其大凡以垂不朽云此山關
係重要當墓告成公議永遠封禁嗣後無論何人不准
進葬如違公同勒令遷出重責重罰決不姑寬
清九代祖劉公次週老大人暨德配徐老孺人墓表

嗣孫炳勳謹撰

民國二十二年癸酉夏炳勳自湘陰縣府移交科長職
有事六修宗譜越明年方造冊間伏讀公之贊暨
公夫婦合傳感其業精岐黃濟人利物紬繹購龜放生
因龜致夢而採藥而活人聲聞數郡尤神異二天之謠

巨富之報皆莫之爲而爲者追念 德厚而澤深葬遠
而墓闕不禁盡然傷之用商建墓以垂不朽所幸詢謀
僉同踴躍輸將鳩工庇材而雲祏趨事有爭先而恐後
焉此墓之所以不日成之也至建墓廬垂禋祀有志未
逮尙俟後賢而興起者此山關係重要當墓告成公議
永遠封禁嗣後無論何人不准進葬如違公同勒令遷
出重責重罰決不姑寬

清故劉公展容老大人墓表
房姪孫炳勳謹述

展容公迺房弟璧城

祖也 公生於清嘉慶十三年戊辰五月二十三日卒
於道光二十七年丁未七月初七日年僅四十隱德未
宣初葬祖山匪吉迨光緒二十七年辛丑改葬宗字二
區地名泥鰍塘屋後辛山乙向來龍中正巒頭垂乳兩
砂疊抱明堂開展洵吉壤也 公之仲嗣義德公生於
清道光二十年庚子正月二十四日卒於宣統二年庚
戌三月初五日春秋七十有一祔 公之右其中有明
古墳一塚不但不忍遷出另葬且讓居墓中同享鞏固

之便每逢祭掃香煙亦如之此推先志以妥先靈

陰地心地真兩得之公之後嗣蕃昌繇此益可豫券

云

桐城公夫婦合傳

房姪炳勳謹述

公諱昆梧字桐城清太學生衡山嶽北人也父諱


厚德生半歲而孤太夫人姓李氏父諱盛光世為吾衡

名族太夫人柏舟矢志惟以撫孤為前提既痛冢嗣早

世復憂仲子從戎季君生而岐嶷愛憐所以備至也師

擇鄰以遷善秉畫荻以勗學以長以教俾至於成人擇

配王氏乃拔羣公之女姆訓早嫻子四女二而公知



遭家不造母教維嚴由是肆力於學成大儒專以孝親
授徒爲職志方慈親茹素於嶽畔九龍菴仲兄戡亂於
金陵曾忠襄營外侮疑從者有陵樹之嫌邑尊爲真儒
雪不白之冤終凶之咎雖歸他人生產之蕩獨傷一己
故太夫人飾終之典尙賴仲兄錦旋而始備此皆紫雲
昆仲之側聞中藏未忘泣述之故悉其顛末而今蘭桂
芳騰孫又生子光爭家國色生衡嶽方興正未有艾也
炳勳謬膺六修纂訂訪諸耆宿僉云人桐城公生前真
隱德君子懼其晦湮因而次第之

佐卿先生傳

房弟炳勳謹述

先生諱奇鋼字楚賢號佐卿迺房十一代伯高祖

善長公四世孫也天性和藹讀書兼人髫年試有司雖
遴挑選不獲售遂專自修中年失偶以禮自防行爲絕
浪漫模範君子也享年七十有八掌清光緒庚寅民國
庚申兩修宗譜總纂尙能嫻歐蘇法釐訂而綱紀之秉
祖宗之成法樹後進之圭臬守先待後授徒半生凡族
人有敦請者靡不竭以心思飲以筆墨迄觀家牒猶歷
厯可考焉權輿六修瀏覽系圖垂絲殆天故艱先生
似續尙畱補天手段於族人焉幸存孀居媳用商族董

爲之立後俾後世之核斯譜者知族先輩雅重繼絕不讓周武專美於前云

煥章賢中外節畧

愚房叔炳勲謹撰

君字煥章寄籍湘潭我房九班祖仲景公七代孫
兆選公玄孫房兄順隆長子也秉父志有事農圃雖元
配譚氏至父歿尙乏嗣能率弟邦彥善事其母繼娶易
氏贊夫益力迄母壽逾八旬孫曾毓秀田廬廣置一門
生之者眾皆其董戒之所及是不讀有逾於儒者民國
庚申宗譜五修早已自動捐貲修整 始祖以下之墳
塋經刊捐序於譜議頭本不用每年由經營將銀息量

宇清先生序 民國九年贈研弟黃周敏鍊百甫敬撰

昌黎集中序居多觀其所作皆寓勉戒之意吾之於劉君宇清者何爲而序之哉君幼慧甚然刻厲求學至廢寢食蓋以窘於境無力就傅悉仗自求故其學以苦積而成其爲人一遵三代遺直事親孝待兄敬爲謀忠而其應事接物必信必誠不爽約居恆循循禮法言笑不苟記曾應科試同赴省旅偶以放浪見拒蓋其性然也然則如君者誠無所用其勉戒吾又何爲而序之哉君以院試屢膺挑選不獲售益肆力於學景其行者爭延於其家以矜式子弟湘潭張翌六官鄂通山縣知

事時以書聘之不就邑侯強起之其資君力以宰吾衡者實非淺尠湖南全省菸酒公賣局創辦之初局長聞其賢而聘之後經京署五易主座每接篆必加優異於君卽財政廳長兼攝時亦如之此以見慎重將事總攬財權稅務者將爭欲得之劉宴桑弘羊殆皆先聲奪人耳夫大學一篇半言理財是理財者固爲吾儒分內事然挾大學之精意大抵在生之有道君自此當知所以勉戒矣頃聞君以族譜將成體父遺志以其子後後其叔父者之季見其心可云至厚旣又自友人處得君所作四務十戒祇誦之下益信君之有以自勉有以自戒

而無事於友之序也雖然相與勉戒者亦朋友之道吾其何爲而闕此典因取昌黎之意作此以爲之贈

字清先生夫婦七秩雙壽節畧並頌

先生名炳勳字字清清武德騎尉藍翎守府友德劉公所自出同懷六先生其季也生平以堅貞自苦爲行家素貧隨兄耕牧習勞作躋年十一乃得入學日猶持物耰耨夜則挑燈以哦惕厲殷勤方之承宮孫康車胤之徒而經解文思一時未能悉達也旣而苦攻堅鑽漸得所契年二十三入衡山雲峯書院肄業越二年復入觀湘書院窮經正字學日以積設館授徒先後達十

八年以謹嚴不勸爲時所重弟子如郭漢燾李愛衡均以學行不忒著稱樂道從遊先後三年於讀經治事感受軌範先生之教足念矣民國肇造吏治革新先生以二年考充邑法院執達吏釐弊得調邑承審處司法書記四年充湖南全省菸酒公賣局書記嗣局併入湖南財政廳先生以勞擢升書記長已復提升辦事員十三年廳令委寶慶武岡新化各縣賦稅催徵員十四年任省河權運局文牘其冬充辰州分金庫文牘十五年道署永順縣篆電請先生輔翼以疾未就十六年充陸軍第二分醫院特務長十二月充十七軍軍部人事科員

十七年輔道爲新化縣政府承審員兼代第一科科長
十九年充湘平瀏綏靖處佐貳二十年就長沙市東郊
購建住宅一廛輔道任攸縣政府職隨調赴湘陰奉民
政廳委爲第二科科長越年致仕時已六十有一齡矣
貞幹之氣老而彌篤惟厭倦風塵或受人聘講學或受
族託治劇善誘能化之功載譽人口二十七年衡郴師
管區司令王時聞其賢以書記官徵庸未幾易龍司令
繼倚畀如舊至三十年八月師管區縮小先生堅辭以
去今年四月衡陽縣長王偉能折簡邀任軍法秘書逾
月始就復以其族推主六修家譜辭職歸里今已旬族

齊同設井塘劉氏修譜事務所矣道母爲先生冢姊故
得趨侍日久聞其言觀其行亦最深先生性凝靜志堅
毅治事百折不回爲學尙陸象山主尊德性重履踐從
政篤重天理推勘人情不屑屑以刀筆爲能晚年朱顏
白髮精神矍鑠坐終日不爲疲行百里不感勦配夫人
羅氏名玉琰以勤儉持家伉儷之情垂老益篤丈夫子
子女各三孟子鳳初名鳴陽任湘財政廳科員已二
十二年婦史兆蘭仲子問程名鳴達任衡陽縣政府主
任秘書婦朱興偉季子鵬初名鳴程充龍山電報局職
員長女淑英季女金英充益陽小學教員板輿迎養其

母次女端英國立梓潼師範學校肄業孫男女九人皆
髻秀異器歲農曆十一月初六日先生壽晉古稀夫人
亦耆有二齡親友咸請製錦稱觴先生以國難爲慚德
語辭道服其義不敢執乃爲之頌曰

先生之志卓絕兮既剛毅堅貞而不可搖不可奪矣先
生之行篤實兮既善政善教苦心力而勞筋骨矣允兮
美兮井塘之光兮康兮寧兮山邑之瑞兮思貽合名有
子克家兮相敬如賓白髮齊眉兮尊嚴耆老耀其光聲
兮維道之揆維邦之慶兮祝以期頤俾壽而康熾而昌
兮

中華民國三十一年農曆十一月穀旦

外甥尹樂道謹撰


宇清先生像贊 民國九年贈

長沙羅忠華

衡山屹立萬丈浮青公生其間毓秀鍾靈彫後松
柏新滌盤銘氣吞雲夢筆灑滄溟有意皆警無語不經
世人昏醉而公獨醒正襟危坐嶽峙淵渟是壽者相允
享遐齡

宇清先生自題瓷像

我本農人亦讀殘書政軍寄蹟良醫不如



文辭壽考... 諸其... 誠其... 事... 亦... 眼... 獻...



六修宗譜公舉
字清先生為纂
訂修刊像紀念

民國三十三年
癸未冬
於進公祠



衷和先生序 前任湖南石門縣縣長姻弟汪

彬敬撰

先生幼從家脈叔漢章公遊器重之遂以堂兄光
耀公之子妻之蓋喜白圭能復未嘗不以尚德君子相
期許自吾姊于歸剛柔相濟伉儷甚篤事親能得其懽
心迨尊翁文岳公逝世廖太夫人萱幃守志先生夫婦
事之尤謹太夫人顧而樂之以兄弟友于之愛至老彌
篤其待孀居曹妹因貧不能自贍迎養至歿尙出己所
預製之棺以葬之尤爲難能可貴者他如學深邃工詩
文倘長挾技以馳逐名場無難大展摩天之翼乃屢試

未售而民國肇興遂乃韜晦自養勲勲懇懇不棄詩書
以課人子弟教誨後嗣爲職志間或解人糾紛惟力是
視迄觀兩修宗譜均貢緒言其於敬宗收族之旨流諸
楮墨間仁孝之心未敢後人彬自從戎浪遊二十年返
鄉偶爾過從備悉其子以貨殖豐財孫以岐嶷就讀大
足以娛桑榆景可知往昔之艱苦卓絕篤於忠孝友愛
者今獲報於古稀候矣解組歸來樂而爲之序

衷和先生贊


民國九年贈

清邑庠生內兄汪

洋

馳騁乎詩書之場浸淫乎道德之鄉事親則養志
如曾友愛則大被同姜斗室蕭然樂道徬徨謝陳祖德

陸誦先芬汲汲然往復周詳惟數典之不忘出其所學
剛訂舊章允矣君子於宗有光



[Faint bleed-through text from the reverse side of the page, including characters like '陸誦先芬', '君子於宗', and '有光']

如仁妣傳

夫孀姪炳勲謹撰

壽母汪氏金陵人如仁公續絃來歸生子四孫曾
二十餘人民國甲戌十月晉九十適曾孫佳厚受室一
時稱觴羅列而壽母精神健康雖家境已裕猶不改童
年操作閤族僉以壽爲人瑞宜表異炳勲乃書天姥峯
高以贈越七載壽近期頤孫曾愈增家境愈順親友方
謀製錦稱觴壽母乃福不享盡無疾而終繞膝不第盡
禮致哀長孫益德更預備佳城以葬蓋方興未艾之氣
象令人欣羨不置云

炳勲曰倬彼金陵國之名城鍾毓所集誕降女英根器

既厚發育自宏相彼夫子夙夜惟寅勗爾哲嗣茲訓寓
仁子既高堂能順孫更祖武克繩賢哉 壽母從茲門

閻光大秀雲仍 壽母從茲門

斯樂能稱 壽母從茲門

高以頤姓 壽母從茲門

爭射中閭 壽母從茲門


揚辭獻 壽母從茲門

二十翁人 壽母從茲門

壽母從茲門


賦詩

夫異致




璧城公遺像





其風三季... 州... 山... 景... 子... 合... 聖... 德... 聖...



謝書

昔... 書... 字... 賦... 謝... 聖...

聖... 賦... 夫... 聖... 翰... 龍... 聖... 長... 景... 聖...

十... 次... 聖... 翰... 龍... 聖... 長... 景... 聖...

尚... 宋... 聖... 翰... 龍... 聖... 長... 景... 聖...

山... 聖... 翰... 龍... 聖... 長... 景... 聖...

此公生平事蹟多詳於傳記及他碑銘六修譜竣
尙未齋到纂訂修引爲遺憾姑俟七修補刊之

編者識

璧城先生墓碑銘

房兄炳勳謹撰

君諱奇篤字親賢號璧城湖南衡山人其先出自
陶唐子孫繁衍于湘于贛世有達人迄我城公遷居
茶陵萬芳公仲子穆公再遷今義母田君其胤
也君爲裕德公所自出幼而英毅孝思純篤九歲
失怙事母李太夫人能得其權辛亥母卒辟踊幾絕
居廬三年誦回向祈由是孝子名傳於鄉里少嘗學問

憤國卮漏改而習商遷引湘粵億則屢中用豐於財乃
爲督教諸子賙濟親友倡建 芳言公祠主持五修家
乘捐巨金概弗靳也歲甲戌嶽北水災涓岸民居多苦
漂沒 君爲散金移粟飢渴如己膏馥沾勾里人歌誦
抗倭軍興 君猶經營不息己卯春力疾赴粵間關歷
涉感病不治以國曆五月二十一日丑時卒於曲江逆
旅享年五十有八初配唐孺人卒繼娶廖孺人唐孺人
生二子一女才校湖南孔道學校肄業娶唐氏才楷湖
南衡湘中學肄業娶李氏女玉英適中山大學學士李
春禮廖孺人生四子一女才彬今肄業廈門大學娶趙

氏才栢岳雲中學肄業未娶卒才櫻才櫬均幼讀女文
英適廖孫曾蔚起振振麟趾民國三十一年國曆八月
二十七日迎柩安厝履佳轡中陵予時忝佐衡郴師管
區司令部嘉其行而爲之銘曰

於鑠我君承裔陶唐俊德克念終焉允臧匪學
而孝行以其光匪師而教子以其揚敬宗收族祀事孔
長保世滋大福祿无疆

璧城妣唐孺人墓表

夫房兄炳勳謹述

民國二十三年甲戌九月余爲六修族譜造冊事
駐房弟璧城家璧次子才楷述其母唐孺人孝敬劬勞

儉德慈愛以民國六年歿今十七年矣雖塋域粗定不
克宣刻事蹟懼終晦湮無以詔來茲伯父夙富於文請
表諸墓是足以安吾父心而予吾先母以不朽也炳勳
固辭不獲則請次 孺人之懿德以風示鄉閭焉 孺
人新橋元吉公之長女也生而篤孝年十二嬪於劉其
姑雖患精神病而能體夫孝敬爲孝敬致姑安然忘疾
者 孺人力也舉丈夫子二才校經商粵莊才楷兼祧
叔祖和德公不愧二難之目女子子一早適中山大學
畢業優才生李春禮孫佳慧聰穎異庸流孫女一 孺
人拊畜不外僱耐勞苦好施與勸家政彬彬有禮最爲

清提督厲勇巴圖魯夫房叔成德公所稱許里郇威無
間言年四十有一其卒以四月二日未幾家道隆爾宇
大啓不爲孺人克有於其躬使夫垂裕後昆殆天欲
顯其孝敬劬勞著其儉德慈愛故畱缺陷以終也用是
敘其實際表於斯阡令後嗣無忘淑行且使過者考其
事實知有信徵而無虛美云

璧城公像贊

人立精於此房兄炳勳

夫維君早歲事母至誠中年自立毅力經營陶朱計
達不享垂成仰茲玉照後輩儀型

又贊

李鳴九

而其吁嗟劉公克孝於親根本既立事業斯興億則屢
中不匱在勤富而好禮施濟用宏亦有義方詩禮詔庭
天道福善子孫振振六十曰耆返璞歸真澤流後嗣遺
愛在人

三贊

周子賢

未俗偷薄而先生事親乃以孝聞歷境艱辛而先
生治產卒以資雄既席豐而履厚復好禮而崇仁載瞻
遺像用仰高風

紫雲先生贊

房弟炳勳

年近大耄草履芒鞋田廬廣置艱苦中來克家有

子繩武有孫軍學兩界猛鞭進行眉齊娛景皇天輔仁
斯玉公墓序

祝峯秀聳天半山脈所經涓水橫貫其間中有所
謂蚌塘灣者靈秀之氣孕育特厚山環水繞形勝稱最
吾叔祖斯玉公卜居斯土經營締造厥亦有年於是乎
家道寢昌增置田地亦日益廣會族中父老議改建宗
祠於蚌塘灣之上劉家灣其地址故狹適與公自置
陰地相毗連公捐貲而外復慨捐丈尺若干以資敷
設而其墓地尙自寬然有餘當購地時意固不在自私
而其窀穸竟因之永奠蓋天之所畱以待善人者歟

公諱全美行孝九於道光八年戊子十二月十六日午
時生享壽六十三光緒十六年庚寅三月十二日午時
捐館二十三年丁酉遷厝於蚌塘上劉家灣之陽枕卯
趾酉 公墓距祠門首僅數武馨香斯接鐘鼓斯聞
公與 祖若宗之靈以時通脢蠻焉九原有知寧非快
事其子孔昭桂春先後伴葬於右談風水者咸嘖嘖稱
道不置倘所謂積善之報非耶 公舉丈夫子六類皆
倜儻不羣而五叔名桂春者尤推傑出前清誥封奉政
大夫卓然人望時論翕然諸孫亦率能繩祖武者而兆
元弟尤爲首屈一指由明德大學法政科畢業奉 部

取准以文法官選任方輿未艾其可限量乎茲值碑墓
告成謹次其崖畧以垂示來茲

房姪孫奇鋼佐卿氏敬撰

斯玉妣楊太宜人墓序

李福謙

太宜人楊公朝觀之女 奉直大夫劉公斯玉德
配也以清道光九年己丑十一月三十日子時生宣統
三年辛亥三月十一日酉時沒厝葬斯地辰山戌向享
壽八十有三 太宜人生而貞靜長復婉婉具鍾郝之
禮法媿桓柳之熊鹿子六人四桂春季漢庭商戰湘粵
振振有聲孫十餘人雲祥畢業明德大學宦途尤噪舜

哲國英國雄國城等繼乃父業亦領袖于商其他暨曾
孫成年者亦皆各有專長于時有譽此蓋劉氏先世之
盛德與 太宜人中外之所積累得以食報于其後而
俾環鄉之企慕津津樂道者如是卽余之所景仰而要
筆之以示後世者亦如是也茲舜哲國雄昆玉爲 日太
宜人建築斯墓請表於余余乃撮其大畧以表焉 太
宜人左葬四媳唐宜人右次孫雲祥余謂 太宜人
前奉養者眾今歿後陪侍者又若是其眾此真福也因
而次第之

孔昭公墓序

公諱昆綸字德音號孔昭斯玉公次子清咸豐二年壬子九月十二日卯時生宣統二年庚戌五月十四日卯時捐館厝葬朝字三區上劉家灣祔父右枕卯趾酉兼乙辛立墳迴憶人公之生平孝於親友于兄弟克勤克儉不雕不琢端方正直固農商中不可多得者大公舉丈夫子一名奇棟卓傑不羣誠克家令子異日之發皇正未可量耳特次其厓畧

表弟唐炎城敬撰
清欽加五品銜奉政大夫桂春公暨德配唐宜人
合傳

先生諱昆纓用名宦臣字桂春衡山人其先晉安
成太守遐遞傳至城復自我城公由贛初徙茶陵繼
遷湘潭厥後再遷衡之義母田者曰穆先生其十三
世孫斯玉公第四子也生而岐嶷讀書兼人雖輟學業
農而其少負不羈之才出語驚人早爲有識所深器自
舍農業商一一恪守嚴君之桀獲施于有政舉室肅然
當是時荊州鞭爆本不發達泊公經粵莊忠茂爆牌
聲噪中外未幾介弟漢廷公繼其業益振用是廣置田
廬栽培後進人咸曰進公之裔從茲盛昌矣先是
始遷祖祠厯建在蚌塘灣下首基址匪吉迨公與成

德公趨上劉家灣將外售之際援助金錢收回老契得
永建造之基尤爲高瞻遠矚能人所難能匪第建祠修
譜相當負責而已出粟納銜不過顯揚先親之一種若
論其品其才其器量則過人遠矣抱負非凡齋志以歿
閤族安得不爲之惋惜哉德配 唐宜人乃處士熙甫
公之長女也幽閒貞靜姆訓早嫻年甫及笄而歸 先
生舉丈夫子三女子子四性秉父母遺傳志趨不凡奇
柱名兆元字雲祥畢業湖南明德大學才長政治終隱
湖堖教授次奇權字國英令後胞兄昆經公才長經商
繼起有人季奇棹字國雄才識開展度量寬宏童年赴

湖垓幹材卽逾成年湖湘士紳知名共事者靡不稱之
曰能果然建樹甚夥濟美尤有鳳毛長女適慈利縣縣
長楊振漢次適康再次適李季女尙待字厥後子又生
孫孫又生子緯武經文皆成偉器蓋方興未艾之氣象
洵非淺識所能測其遠到者

炳勳曰巍巍霍嶽間氣鍾靈維公誕降美婉甫申於湘
有信於粵有聲賢從商隱千載垂名尤幸德配系出名
門事姑能孝相夫如賓琳琅滿室孫子繩繩保世滋大
福祿靡垠

桂春公贊

房姪炳勳

特達之姿卓爾不羣以孝父母以愛弟兄賢雖商

隱品實紳倫既富能教麟趾振振允矣君子千載有聲

門車故道幸時夫吹竇堪題萬壑經年麟趾時出越天

南計依粵舟營贊翁商烈于沛李各水宰翁頭系出各

兩爐曰巖巖雲煤間身較靈氣公獨翁美敏甫申氣勝


尚非對婦洵猶厲其聲匪昔是猶年南及好而歸

流輝又主子韓危辭文皆為翰器蓋衣製未艾文獻泉

是壽壽壽末願東再為節李率女尚粉字烈翁子及坐

曰翁果然戲樹甚綠荷美次尚鳳手是文巖慈屏瀝瀝

隨起律林明愈效爭歸附士職賦存共奉壽龜不辨文



桂春公遺像



英倫中書劉氏六修宗譜

卷九 桂春公像像贊

三四

天條堂

桂春公像贊

李敬福謙

載瞻厥像嶽嶽其概
咄咄其聲不彫不琢
璞玉渾金世德先嗇
平秩惟勤公纘丕緒
卓爾不羣鄒魯大道
維閩正學不假精研
遙胥以合孝敬父母
友恭弟兄簡文溫理
肫肫其仁達乎其孝
繼述情殷春秋祖廟
念昔先人慨祖進公
厥寢匪吉倡捐改建
族眾爰集度地相基
卜云其吉鳩工庀材
靡朝靡夕既竭厥財
復竭厥力任怨任勞
忻然勿計翼翼今廟
於焉告成以慰孝思
以妥先靈慤慤君子
憲憲令德仁孝之至
非公胡克若其旁達
鴟夷之庭馳驅嶺表
樹幟羊城衡郴韶佛
湘漢滬

京名齊三徙譽遍四鄰老師宿儒罔窺所富芻狗詞章
塵埃考據踔厲風發十駕莫步愕眙乏措乖戾鮮悟惟
公景仰秦嶽華嵩天錫純嘏胥企無窮行籌竟展覺斯
碌碌循古之道變今之俗夫豈藜閣於焉益耀抑幸後
進獲茲勗造乃彼日月相薄相遁春秋五六反其故邱
典型雖存儀容莫覩惟賢惟能碑載以口虔肅區蓋表
企厥真流形浩氣河嶽日星勗哉孫子振振純純進訊
異世而矜邦人

國雄先生贈序

古人命名取父爲類專就貌言之惟君不第其貌

其性與聰穎膽識似父卽其胸襟之豁達度量之寬宏
作事之忠勇與人共事任怨任勞而不顧艱險孝父母
友兄弟而能出至誠其他對於子姪之愛護對於族內
祠譜之督促續修尤酷似其父記余主講私塾時曾從
予遊觀其志固在遠者大者逮民國肇興予幕遊省會
君以童年獨往湖垵曾紳重伯一見深器之初試以興
修增福垵之要職繼予以督修之重任泛應曲當早爲
湖紳所公認是以團總校長隨時借重卽陳紳慶文周
紳天爵趙紳蓀塘等遇事決先與商榷間有流痞匪徒
聞風屈服者太氏先聲奪人耳邇年抗戰軍興軍糧孔

亟出錢出力意志集中君以平昔之經驗欲爲國家擴
充軍備乃與周紳倫生鄧紳壽荃趙紳蓀塘晉叩議長
趙夷公請求勦辦意旨經函洽於省府財建各廳卒獲
上峯允予開墾天祐垵者又未始非關心國事之一
端也壬午春發起修祠修譜兼豎一始祖以下所缺之
墳碑通傳族人開會表決議案而其碩劃蓋籌匪易實
現余雖承族董舉爲六修纂訂設所開辦果見函電之
敦促巨款之匯寄源源而來不告匱乏是不欲修譜中
道而廢豎碑事半而輟者其心可云至厚其志可云至
堅合前後而綜觀之是君對於家於族於國事矢勤矢

勇貫澈始終毫無委靡不振之氣實有堅強勇進之心
一手完成之任務不減乃父已竟之賢勞是誠可謂善
繼述者歟茲雖族譜將竣修祠立校要務尙繁資君之
力未有窮期吾願今後努力之事功更有加倍於前者

國雄先生事畧一

胡安濤

太史公曰用貧求富農不如工工不如商故端木
貨殖屢中億則陶朱經商名聞四海同里劉君國雄奉
政大夫劉公桂春季子也性聰穎精計祿年甫弱冠由
衡徙沅負耜荷鋤躬耕雙穗之野抱膝長吟心樂堯舜
之道學士重伯曾公聞其賢懽迎興修增福垵其所策

劃開通溝港栽插保障築修堤埝等法深得工程之妙
重公悅之遂予以督修之任時甫兩載堤工告成歲慶
昇平年歌大有熙熙穰穰民以殷富劉君復以既富必
教之義商請重公興辦南北兩校縣府知劉君熱心教
育以校長任之莘莘學子得以悉受教育者劉君之力
也民二十年夏山洪爆發馮夷爲災濱湖埝堤倒塌殆
盡增福亦同時被淹一片汪洋慘不忍覩時至冬末無
人倡議修復全埝佃民咸抱隱憂劉君不避艱險率領
佃民赴各業戶坐催振臂一呼業佃景從鳩工提款乃
克修復時屆有秋同聲感戴咸議舉爲埝首劉君乃有

勞弗伐婉辭不就因之賢名益著尤可異者皖民雜處
糾紛迭起素難制服政府知團總一職非君莫屬遂委
劉君卒因善於詞令遇事敢言事無巨細莫不迎刃而
解魯仲連之稱有由來也靈官市者距增福皖四十餘
里地也位當水陸要衝商賈雲集劉君知能發展商業
遂謀進取不數年間果爾積金鉅萬田園廣置匪僅同
堂之親獲益良多卽戚友之蒙提挈者尤所在多有劉
君乃不欲以多金遺子孫用是停業而怡情山水並遣
予入學促姪從軍其餘各以所習而擇其術業俾各適
其用斯誠可謂知止不殆者矣劉君長予五歲相知甚

深茲聞爲乃族改建祠宇續修家乘暨立始祖以下無
後之墳碑種種巨大任務雖肩責任者有人而劉君不
但資助不吝抑且督促甚力豈僅平昔之孝父母友兄
弟好善樂施和鄰睦族所克竟其遠到者貴族族譜將
成聊貢其梗概

國雄先生事畧一

湘陰范康民

先生名定陶字國雄衡山井塘劉氏之望也少有
大志因遇窘莫克大展乃效諸葛故事躬耕濱湖從事
墾殖先生達人也篤於親友于兄弟交遊存鮑叔之風
排難媿仲連之譽舉凡興辦善舉雖勞怨交加不遺餘

力以赴之是庸言庸行足以化人心與大舜所居成邑
成都相頡頏頽記自先生初來古羅深悉洞庭潮淤必成
錦地迨曾學士重伯倡修增福垵因能重任先生得以
一舉而成卽其子若姪之或讀或耕或商其根基未必
不具於斯時者矣雖經農會變遷獨能砥柱中流藉非
眾望素孚安能獲馬少遊善人之譽豈待商業發達田
園廣置同堂之親得以另展鴻圖戚友之至得以大昭
駿烈者始識先生爲有先見之明也哉邇年先生知止
停營商戰專研青囊雖明其道不以示諸人間遇迷信
風水輕親骨而謀吉壤者先生必以心地語之謂汾陽

祖墓朝恩毀俯舊榮封歷四朝嘻是誠知孝悌之本矣
今歲乃族推舉先生主持族務先生卽以倡修族譜爲
前提其他相時而動豈昔老泉蘇氏曰人之一身分而
至於親盡恆相視如途人蓋疏家庭禮教然也是知譜
功用之宏非深慮熟籌胡克臻此至於明去就識時務
不入政權旋渦專俟至殖事成生產日增是有功於社
會國家良非淺鮮孰謂非抗建大時代之人傑也哉

會同案以... 不人... 此甲... 蓋... 今... 臨...

